

Ո Ր Ո Շ ՈՒ Մ

Կատարողական վարույթը կասեցնելու մասին

13 հուլիս 2022թ.

ք. Ստեփանավան

Հարկադիր կատարումն ապահովող ծառայության Լոռու մարզային բաժնի Ստեփանավան-Տաշիր տարածաշրջանի բաժանմունքի հարկադիր կատարող՝ արդարադատության ավագ լեյտենանտ Սերգեյ Մուրադյանս ուսումնասիրելով 06.04.2022թ-ին հարուցված թիվ՝ 08904020 և 08903960 կատարողական վարույթների նյութերը

Պ Ա Ր Զ Ե Ց Ի

ՀՀ Լոռու մարզի ընդհանուր իրավասության դատարանի կողմից 31.03.2022թ-ին տրված թիվ ԼԴ1/1969/02/21 կատարողական թերթի համաձայն պետք է՝ Լիանա Էռնեստի Գրիգորյանից, Լադա Էռնեստի Դավթյանից, Դավիթ Սամսոնի Անանյանից և Սուգրա Յակովի Գրիգորյանից համապարտության կարգով հոգուտ «Արեգակ» Ունիվերսալ Վարկային Կազմակերպություն փակ բաժնետիրական ընկերության բռնագանձել 1.997.439 ՀՀ դրամ և հաշվարկվող տոկոսներ:

ՀՀ Լոռու մարզի ընդհանուր իրավասության դատարանի կողմից 31.03.2022թ-ին տրված թիվ ԼԴ1/1970/02/21 կատարողական թերթի համաձայն պետք է՝ Լադա Էռնեստի Դավթյանից, Լիանա Էռնեստի Գրիգորյանից, Դավիթ Սամսոնի Անանյանից և Սուգրա Յակովի Գրիգորյանից համապարտության կարգով հոգուտ «Արեգակ» Ունիվերսալ Վարկային Կազմակերպություն փակ բաժնետիրական ընկերության բռնագանձել 1.732,463 ՀՀ դրամ և հաշվարկվող տոկոսներ:

Պարտապաններից պետք է բռնագանձել նաև բռնագանձման ենթակա գումարի 5 տոկոսը, որպես կատարողական գործողությունների կատարման ծախս:

Կատարողական գործողությունների կատարման ընթացքում պարտապան՝ Դավիթ Սամսոնի Անանյանին պատկանող բռնագանձման ենթակա գույք և դրամական միջոցներ չեն հայտնաբերվել և ի հայտ են եկել սնանկության հատկանիշներ:

Վերագրյալի հիման վրա և ղեկավարվելով "Սնանկության մասին" ՀՀ օրենքի 6-րդ հոդվածի 2-րդ մասով, "Դատական ակտերի հարկադիր կատարման մասին" ՀՀ օրենքի 28, 28.1, 37-րդ հոդվածի 8-րդ կետով և 39 հոդվածներով՝

Ո Ր Ո Շ Ե Ց Ի

Կասեցնել 06.04.2022թ-ին հարուցված թիվ՝ 08904020 և 08903960 կատարողական վարույթները 90-օրյա ժամկետով:

Առաջարկել պահանջատիրոջը և պարտապանին նրանցից որևէ մեկի նախաձեռնությամբ 90-օրյա ժամկետում սնանկության հայց ներկայացնել դատարան:

Սույն որոշումը երկու աշխատանքային օրվա ընթացքում հրապարակել www.azdarar.am ինտերնետային կայքում:

Որոշման պատճեն ուղարկել կողմերին:

Հարկադիր կատարողի կայացրած որոշումը կարող է բողոքարկվել վերադատության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

"Դատական ակտերի հարկադիր կատարման մասին" ՀՀ օրենքի 28-րդ հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

Հարկադիր կատարող,
արդարադատության ավագ լեյտենանտ

Ս. Մուրադյան